

## Naqqiut

### Siunnersuummut 16. august 2018-imeersumut taarsiissut

(Naalakkersuisup akisussaasuusup taaguutaanik allannguinerit)

#### **Uunga siunnersuut: Imaani avatangiisit illersorneqarnissaat pillugu Inatsisartut inatsisaata allanngortinneqarnera pillugu Inatsisartut inatsisissaat nr. xx, xx. xxx 2018-imeersoq**

(Pinngortitamut, Avatangiisinut Ilisimatusarnermullu Naalakkersuisoq)

#### **Saqqummiussineq**

(Pinngortitamut, Avatangiisinut Ilisimatusarnermullu Naalakkersuisoq)

#### **Siullermeenera**

Imaani avatangiisit illersorneqarnissaat pillugu Inatsisartut inatsisaat nr. 15, 8. juni 2017-imeersoq upernaakkut 2017-mi akuerineqarpoq. Inatsimmi umiarsuarnit aamma silaannakkut angallatinit, Kalaallit Nunaata imartaaniittunit imaluunniit qulaaniittunit immami mingutsitsinerit ataatsimoortillugit maleruagassiuunneqarput.

Allannguutissatut siunnersuummi matumani imaani avatangiisit illersorneqarnissaat pillugu Inatsisartut inatsisaata kalaallisut danskisullu oqaasertaat assigiilersinniarlugit iluarsiiisuteqarnissaq siunertarineqarpoq. Tamatumunnga peqatigitillugu Naalakkersuisut pissutsinik marlunnik, aallaqqaammut imaani avatangiisit pillugit inatsisissatut siunnersuummi ilaatinneqarsimangitsunik allannguisoqarnissaa siunnersuutigaat.

Allannguutissaq siulleq oqartussaasut imaatigut angallatinik misissuinissamut nakkutilliinissamullu piginnaatinneqarnerinut erseqqissaammik imaqarpoq. Allannguutissatut siunnersuummi oqartussaasut imaatigut angallatinik misissuinerminnut nakkutilliinerminnullu atatillugu allagaatinik assiliinissamut, assileeqqiinissamut imaluunniit allagaatinik kiisalu pigisanik allanik akeqangitsumik nassarnissamut periarfissinneqarput.

Allannguutissap aappaa pineqaatissiisarnermut aalajangersakkanut tunngasuuvoq, tassanilu imartami unioqqutitsinerit imartap avataani unioqqutitsinernut maleruagassanit sakkutinnerunngitsumik pineqaatissinneqartarnissaat qulakkeerniarneqarpoq.

Taamatut oqaaseqarlunga Naalakkersuisut sinnerlugit Inatsisartut inatsisaannut allannguutissatut siunnersuut kamumittumik suliassanngorlugu tunniuppara.